

Luo - Warruok Ndiko - Salvation Scriptures

Jo-Efeso 2:2 mane udakie ka uluwo timbe piny, kendo ruodh pinyni man-gi loch e kor polo, ma bende tekone tiyo e chuny joma ok winj wach.

Matthayo 6:10 Pinyruodhi mondo obi, dwaroni mondo otimre e piny kaka timore e polo.

Luka 22:42 Wuora, ka iyie, gol kikombeni oa kuoma, to ok dwarona, to mari ema otim-re."

Johana 16:7-9 To anyisou adier ni dhi ma adhigo biro kelonu ber. Ka ok adhi, to Jakony ok bi bironu; to ka adhi eka abiro oronugo. 8 Ka enobi, to enomi ketho mar piny ng'ere korka richo gi tim makare kod kum mabiyo: 9 Korka richo nikech ji ok oyie kuoma;

2 Timotheo 2:10 Omiyo adhil kuom duto nikech adwaro ni joma Nyasaye oyiero bende oyudie warruok miyudo kuom Kristo Yesu, kendo makelo duong' mochwere.

Jo-Rumi 15:20,21 Aseketo chunya mondo ayal Injili kuonde ma ji pok ong'eyje Kristo, mondo kik agedi e wi mise ma ng'at machielo ema nochako. 21 To mana kaka ondiki ni: "Jok mane pok onyis wach kuome none kendo jogo mapok owinjo kuome nowinj tiend wach."

Tich Joote 2:36,37 "Emomiyo nyaka ung'e wachni malong'o, unjo Israel duto ni Nyasaye oseke-to Yesu mane uguro Ruoth kendo Kristo." 37 Kane ji owinjo wachno, chunyi nongado negi bura, mine giwacho ni Petro kod joote mamoko ni, "Owetewa , watim ang'o?"

Jo-Hibrania 4:2 Nikech wan bende oseyalnwa Injili mana kaka gin bende noyalnegi, to kata kamano wach mane giwinjo ne ok okelonegi konyruok, nikech ne ok gir-wake kuom yie.

Yeremia 24:7 - Matthayo 22:37 Yesu nowachone ni, "'Her Ruoth Nyasachi gi chunyi duto, kendo gi tekri duto kendo gi pachi duto.

Tich Joote 16:14 Achiel kuom joma nochiko itgi mow-injowa kwaloso ne en dhako moro moa Thuatira, ma nyinge Ludia. Ludia ne loko lewni makwar ma nengogi tek, kendo noluoro Nyasaye. Ruoth noyawo chunye mondo orwak puonj Paulo.

Matthayo 13:14-16 Kuomgi ema wach mokor mar Isaya chopo kare: "ubiro siko kuwinjo awinja to ok unung'e tiend gik muwinjo; Ubiro siko kuneno to ok unuyang gik muneno. 15 Nikech chuny jogi osedinore; winjo gi itgi otamogi chuth kendo gisedino wengegi. Ka dine ok en kamano to dine gineno gi wengegi, dine giwinjo gi itgi; kendo dine ging'eyo tiend wach gi chunyi mi gilokore; mi dine achangogi'. 16 Un to wengeu ogwedhi nikech gineno, gi itu bende nikech giwinjo wach.

Isaya 6:9,10 - Tich Joote 28:27 Nikech chuny jogi osedinore; gisedino itgi,

kendo gisemiyo wengegi. Ka ok kamano to diginen gi wengegi, kendo giwinj gi itgi, mi chunyi rwak wach kendo giduog ira mi achanggü'

Mariko 4:11,12 Nonyisogi ni, "Un oyienu ng'eyo tiend gik mopondo mag Pinyruodh Nyasaye. To kuom jogo man oko gimoro amora iwacho nigi gi ngeche 12 mondo, "'Ginen anena to kik ginyal ng'eyo, kendo giwinj awinja to kik ging'e tiend wach; nikech dipo ka gilokore mi owenigi richogi!'"

Johana 12:39,40 Ne ok ginyal yie nikech wachni, kendo nikech, mana kaka Isaya nowacho kamachielo ni, 40 "Osedino wengegi kendo osemiyo chunyi odoko matek, mondo kik gine gimoro gi wengegi, kendo kik giwinj tiend weche gi chunyi, mi gilokre, mondo ochanggi."

Jo-Rumi 11:7,8 To nadi? Gima Israel ne manyo gi tekrene duto ne ok onwang'o to joma oyier ema noyude. Jomamoko duto chunyi nodoko matek, 8 mana kaka ondiki ni, "Nyasaye nomiyogi chuny mar nindo matut gi wenge mondo kik ginen kod it mondo kik giwinj wach nyaka sani."

2 Jo-Thsalonika 2:10,11 bende kokonyore gi kit wuond maricho duto mondo owitgo joma lal. Jogo lal nikech ne gitamore hero adiera mondo eka giyud waruok. 11 Kuom mano Nyasaye oronigi teko maduong' marundo pachgi mi giyie gi weche mag miriambo,

Matthayo 13:18-23 "Koro winjuru tiend ngero mar jakomo: 19 Ka ng'ato owinjo wach kuom pinyruoth to ok owinjo tiende, ng'ama rach biro kendo yudho gima okom e chunye mi dhigo. Mano e kodhi mane okom e dir yo. 20 To kodhi mane okom kuonde motimo lwanda ochung' kar ng'ama winjo wach kendo rwake sanosano gi mor. 21 To nikech oonge gi tiendene, obet kuom kinde machwok kende. Ka chandruok gi sand obiro nikech Wach, to opodho piyo maok odeko. 22 Kodhi mane olwar e kind kudho to ochung' kar ng'at ma winjo wach, to parruok kuom ngima mar pinyni kod gal-ruok ma mwandu kelo thung'o wachno kendo mone nyak. 23 To kodhi mane olwar e lowo maber ochung' kar ng'at ma winjo wach kendo make, mi ochieg cham mang'eny mohingo kodhi mane okomgo nyadi mia, nyadi piero auchiel kata nyadi piero adek."

2 Korintho 3:15,16 Kata mana sani kisomo chik Musa to raum geng'o chunyi. 16 To saa asaya ma ng'ato olokore odhi ir Ruoth to raumno igolo oko.

Hosea 11:3-7 - Matthayo 11:28-30 "Biuru ira, un duto mujony kendo uting'o misigo mapek, mondo amiu yweyo. 29 Kawuru lodina mondo uting' kendo puonjreuru kuoma, nimar chunya muol kendo ahora mos, eka unuyud yweyo ne chunyu. 30 Nimar lodina ok pek kendo misika yot."

Tich Joote 26:18 mondo iyaw wengegi, kendo mondo ilokgi gia e mudho, giduogi e ler, kendo gia e teko Satan, giduogi ir Nyasaye; Ka gitimo kamano eka giniyudi weruok mar richo, kendo gibedi e achiel gi ji duto

mosepuodhi, nikech giyie kuoma.

2 Timotheo 2:24-26 To jatich Ruoth ok owinjore bed jad-haw, to onego obed mang'won gi ji duto kendo onego obed japuonj molony mahore mos. 25 Joma dagi puonjne nyaka orie gi muolo, ka en gi geno ni Nyasaye nyalo miyogi thuolo mar lokruok mi ging'e adiera, 26 kendo kogeno ni pachgi nyalo yawore mi gitony gia e obadho mar Jachien moseketogi e twech mar timo dwarone.

Fweny Mane 3:17-19 Iwacho ni, 'an jamoko, kendo aseyudo mwandu mathoth bende onge gima aremo to ok ing'eyo ni in ng'at mathagore mogik; idhi-er, in ng'at monego okechi; bende in muofu kendo in duk. 18 To ang'adoni riekeo mondo ibi ing'iew kuoma dhahabu mop-uodhi gi mach mondo ibed jamoko. Ng'iew lewni marachere kuoma mondo irwaki oumni dugi. Ng'iew yath kuoma mondo ithiedh go wang'i mondo inen. 19 Joma ahero ema akwero kendo akumo. Omiyo bed jadiera kendo ilok chunyi iwe timo richo.

2 Korinθο 7:10 Nikech kuyo mar Nyasaye kelo lokruok, makelo warruok kendo ok mi waywag ang'e, to kuyo mar piny kelo tho.

1 Ruodhi 18:37 - God turned heart back to God

2 Korinθο 4:4 Joma kamago otamore yie nikech nyasach pinyini osedino pachgi mondo kik gine ler mar Injili manyiso duong' mar Kristo, ma en e kido mar Nyasaye.

Luka 8:11-15 Ma e gima ngeroni nyiso: Kodhi en wach Nyasaye. 12 Molwar e yo gin jogo mawinjo, to jachien biro kendo golo wach ei chunyi, mondo kik giyie ma wargi. 13 Molwar e lwanda gin jogo ma rwako wach gi mor ka giwinje, to gionge gi tiende. Giyie kuom kinde moromo, to e kinde mag tem gipodho giaa. 14 Kodhi molwar e dier kudho ochungo kar jogo mawinjo, to ka gidhiyo e yoregi, to par-ruok mar ngima, mwandu kod mor mar piny thungogi, ma ok gidong motegno. 15 To kodhi manie low maber, ochungo kar jogo man gi chuny malongo' kendo maber, mawinjo wach, okane, kendo bedo modhil onyago cham.

Tich Joote 15:11 Mano ok nyal timore! Wayie ni wayudo warruok kuom ng'wono mar Ruodhwa Yesu, mana kaka gin bende."

Jo-Rumi 8:13 Nimar ka idak kaka kido mar richo dwaro to ibiro tho; to ka kuom Roho, inego timbe maricho mag ringruok, to ibiro bedo mangima.

**Pastor T. John Franklin
Church of Salvation, Healing, and Deliverance
COS-HAD.org**